

Հոգոց՝ հանել զքարեղէնն և դնել զմնեղէնն։
 Խնոյր զաղբիւրն, որո հոսումն աղտեղացու-
 ցանէ զմարդն, և բանայր զներհակս նորա։
 Այլ և զսափոր յուսոյն զվերստին աւազանն՝
 ջերմեռանդ բխէր. աւծանէր զգլուխն ներքին
 մարդոյն թափեցելոյն իւղով և աստճով^ա տը-
 նանկաց, և սկիզբն առնէր պահոց ամենայն
 զգայարանացն, փակելով զպատուհանսն՝ զմու-
 տըս մահուն, և զմիտսն պահել ի վեր յեռեալ
 յարփին՝ և ոչ իջանել ի նիւթականս։ Սան-
 ձէր զլեզուն և աղիւէր զշրթունսն. ոչ շար-
 ժիլ և ոչ բանիլ^բ ի բանս ունայնս, այլ պա-
 րապել միշտ աստուածաշունչ մատենից. յար-
 մարէր զբերանն քնար՝ և զատամունսն լար,
 զշրթունսն մատունք, և զլեզուն կնտընդոց.
 և զհոգին խառնեալ ընդ Աստուծոյ հոգւոյն,
 և լեալ երաժիշտ՝ երգէր քաղցրաձայն զերգս
 հոգեւորս ի փառս սուրբ երրորդութեանն։

Կրթէր անսըւաղութեամբ զանձն իւր՝ յոտ-
 նաւորութեամբ զցայկ և զցերեկ. ոչ նիրհէր՝
 և ոչ ննջէր և ոչ ընկողմանէր ի մահիճրս,
 [[Թղ. 13^ա]] այլ յաւրէնս Տեառն խորհէր։
 Ժառ բուսեալ Աստուծոյ ի գնացս ջրոց^գ յա-

ա. Զկայ Ն. Հ. Բ.:

բ. Փոխ. «բանալ»:

գ. «գրոց» ձեռագրինն Կ: